

文儒傳

經天緯地之爲文通天地人曰儒顧持此義以衡晚近章縫之士實渺乎其難絳之人士承河汾遺澤大都窮理居敬潛心體驗往往徵諸實踐而其言論文章則亦足闡發濂閩關洛之奧蘊此魏氏環溪所以稱絳州爲理學之淵藪也作文儒傳

隋

程元因薛收而見於文中子與之言六經退謂收曰夫子載造彝倫一匡皇極微夫子吾其失道左見矣元嘗偕收見文中子問曰二生之學文奚志也對曰尼父之經夫子之續不敢怠也文中子曰允矣君子展也大成居而安動而變可以佐王矣文

中子嘗謂聞過而喜程元能之謂李靖智勝仁程元仁勝智又嘗許程元王孝逸之文王凝曰夫子得程仇董薛而六經益明對問之作四生之力也

霍 汲隱於漁精樂律文中子嘗曰吾正樂於霍生見持竿者幾焉吾將退而求諸野矣

李彥英性英敏博通五經洪武初廉訪天下通經之士使主師席門人高鐸薦授平陽絳州訓導勤於教誨一時科第多出其門人稱爲五經夫子祀鄉賢

姚 達字文達成化丁酉科舉人授宜川訓導條約嚴明教人以正心誠意之學士子皆有所矜式比三年歲大饑使子偉抵家

攜兄姪至宜川資俸以養九年秩滿改宣府萬全衛訓導衛諸生素務弧矢而輕詩書達請於當道始置學田進諸生講經史及孫吳書勤懇忘倦未幾京闈中式二人襲職至參遊三人指揮千百戶三十餘人時諺曰邊陲文武臣多出先生門秩滿士大夫製詩留別諸生泣送百里外陞考城教諭條約如宜川辭歸不允又陞彰德教授尋以疾致仕居官三十載善育人才多所成就其於功利泊如也祀鄉賢

陶 滋字時雨琰長子正德甲戌進士初官行人武宗南巡抗疏力諫伏輦下不起詔廷杖幾斃謫國子學正廟列周宣石鼓有毀爲白者文多殘缺滋獨考索精詳刻石鼓正誤一書尋陞司

正擢刑部郎中轉兵部武選世宗初大禮議起以去本生二字
伏蒲哭諫廷杖繫獄謫戍榆林後遺詔錄用已前二十年沒矣
穆宗即位贈太常司少卿具載名臣錄山西正祀考祀鄉賢

王臣直原名聯科字聖鄰別號復丸萬曆庚子舉人任泗州陵工
木科刻日而集當道稱其能丁內艱起開州治兵捕盜爲濬滑
一帶保障公暇集諸知名士談道賦詩開人士集其文曰澶淵
雜著詩曰夜告亭草工行草八分書崇禎間書蹟傳入禁中上
見之欣賞謂筆法渾成有北人氣骨詔董金吾徵書於任所賦
詩書帛以進有孤葵惟向日寸草自知春之句先是秦寇渡河
分守道委練鄉勇爲桑梓衛人倚爲安祀鄉賢子大武崇禎庚

午舉人

韓霖字雨公號寓庵天啓辛酉舉人爲文有奇氣書法在蘇米間年舞象從兄雲遊婁東爲傳東渤文太青兩先生所知黃石齋馬素修董思白諸公咸推許焉後益嗜遊爲聚書計嘗南至金陵登鳳凰臺歷燕子磯東覽虎邱震澤之盛汎舟南下至武林西湖訪六橋三竺西南探匡廬遊烏龍潭觀瀑布復由淮南北上謁孔林撫手植檜前後購書極多歸築州乘樓以貯之日與及門數十人講誦不輟又嘗學兵法於徐公啓學銃法於高則聖有志用世惜未及一試遽以避寇山堡遇難君子惜焉所著見著述祀鄉賢

陶 註字惟道號東籬滋之元孫天崇間廩生少讀薛文清讀書錄慨慕其行遂徒步拜謁於祠居常讀書必閉戶端坐靜研義理後以闖亂潛居恭介公菊莊日與弟世徵講明理學同爲一代醇儒教授生徒四十餘年成就甚衆著學庸心領祀鄉賢

辛 全字復元號天齋少稱神童方總角講河圖洛書輒能驚其長老弱冠從塾師即有志聖賢之學每讀程朱書焚香端坐錄其言行以爲法則一時有辛夫子之稱畢守道自嚴聞其名造廬訪焉南提學居益駐節州中召試明體適用策列諸生俾餼於庠尋奉安邑曹眞子爲師學益進一日於廣坐閒或言中庸無聲無臭兩無字最爲元妙全曰不如孟子父子有親五有字

更加切實聞者咸頌首老儒李承賜年七十餘願北面稱弟子
關中馮少墟楚中賀陽亨各以所學來質吳相國牲倪祭酒元
璐路御史振飛等推挽恐後崇禎間膺貢入京師賀相國逢聖
特疏聞於朝詔以知府用全亦欲舉素所論著如衡門芹經世
碩畫見諸行事未幾以內艱歸遽嬰病卒全早喪父哀毀如禮
持七戒三年事孀母愛敬兼至奉伯兄備極愉和安貧樂道終
其身既沒門人私謚曰文敬所著見著述祀鄉賢

黃希聲字太音號幼髫性聰敏博涉經史崇禎壬午舉人闖亂後
杜門不出益肆力於古文辭與陶視菴趙子衡李闔章党冰壑
時以文章節義相切劘貌清癯耽習內典約息引氣忽一日端

坐而逝所著見著述祀鄉賢

陶世徵字肖思號視菴登之孫少負異才名傾流輩崇禎間拔貢
好施予獎勸寒畯資給膏火族之貧者多賴之會闢入絳搜括
貲財世徵以宦族被逮同里數千人俄贖金千餘兩詣闕求釋
自此闔門著書每月朔望集生徒及里中後學於廳事口講指
畫諄復不厭嘗購書數萬卷儒先語錄蒐輯始盡所著見著述
祀鄉賢

李生光字闔章幼端方不與羣兒伍年十歲從闔隆字受尙書年
十四父歿家益窘或勤改業光日懌堂上之慈而慰地下之嚴
惟此青燈殘帙耳後聞辛復元講道河汾負笈就弟子列常著

崇禎闢邪等篇學者多傳誦之所著見著述祀鄉賢

王 桓字君棟運學生性醇厚敦實行所著見著述

李復泌字則叶康熙壬戌進士翰林院庶吉士檢討轉行人司行人精研經史宏雅淵博羣推一時宗匠歸里後裒輯儒先著述名曰六經考歲戊子平陽劉郡守延修府志稱其學有原本云
党 成字憲公世居城北山崖下近明藩藏冰地因號冰壑幼即

有志聖賢之學村居鍵戶日誦濂洛關閩諸書以身體之家甚貧取與不苟嘗爲賈舍人荆生作齋解援周元公程正公說無危辭好爲人辨朱陸異同探本窮歸毫釐千里如錐劃沙著學庸淡言日知若干種識者謂可擬讀書錄魏大司冠環極聞其

名書三至卒不答魏亦高之年將髦貧益甚讀書好古泊如也
卒後州守碑其墓

王 瞰字始旦武庠生好讀書體味儒先語錄著述頗富學憲以
正儒獎之

梁萬方字統一號廣菴幼嗜學年十五童試冠一軍旋謝去舉子
業師事党冰壑潛究濂洛關閩宗旨嘗手錄道統淵源闡明正
學又增訂朱子儀禮經傳通解雍正間三禮館纂修檄取之以
備參考先是絳遭水患萬方謹奉母跬步不離後侍母疾亦不
解帶者六載如一日其他出粟賑荒設義塾施橋板凡濟人利
物之舉枚數不盡焉祀鄉賢

李世仁字育菴，旌霄子。襲父廕，肆業成均，例授刑部主事。善決疑獄，轉本部員外。尋陞郎中。凡鞠讞條奏，俱手裁，不假胥吏。尙書圖公倚重之。以疾歸，起補廣西左江道。左江地廣俗悍，稱難治。世仁振綱肅紀，邊民帖然。嗣以母病乞假歸，卒年六十有七。所著見著述。

李毓秀字子潛，國學注選縣丞。從党冰壑遊，幾二十年。守師說，不敢變。尤研精學庸，或問諸書，嘗曰：「西銘、太極，相爲表裏。西銘言其當然，太極言其所以然。西銘猶大學，太極猶中庸也。晚而講易，敦復齋聽者屢滿戶外。太平王御史奐曾往復質疑，極傾倒焉。年八十三卒。」

王 樸字子郁庠生專精性理諸書其學一以誠實敦篤爲主時
與李子潛曹元美曲沃賈荆生鄆縣王澧川太寧曹陶菴共相
商確曹手書迂齋二字遺之因自號曰迂叟所著見著述

文養蒙字正之義泉莊人崇禎乙卯選拔尋中副車辛復元先生
之高第也工吟咏善書畫雖未出仕嘗以天下爲己任甲申之
變先生日夜號泣憤不欲生因其父謨年逾九旬未能決捨迨
清定鼎先生更號絳衲居士與父隱居九原山深壑中鑿崖爲
洞顏曰天地窩蓋取別有天地之義與太原傳青主西河王子
堅往來贈答時人罕觀其面太平進士劉贊評云士不講操守
則語默出處全無是處余去正之居二十餘里慕其風久矣先

生所著多不留稿後人集其詩文數十首行於世傳青主有惜

文正之老友詩三首今附其詩於後

其下一文予實狂士其狂在

人臨不遇可與言終年如無話半節乃不禁缺齒懸河瀉博六
賂大斗酬死不復怕高譚辟滿座深情動人訝因此似狂者反

其爾疑其詐其二龍門人爲辛子自不必操守士轍從實不負挑李其不特

時冠遊錫岸受教難素修老時文領精義復得開聖道昔之禍不作

潦倒不然而以其才肯切衡門
草况吾證之子心計足論討

曹仁號惕齋北南社人康熙乙酉舉人其學本謝上蔡克已須從

性偏難克處克將去以之淑已即以之教人壬寅歲歉家實不

給而多方賑濟不屑自謀嘗謂人曰吾絳自党冰壑後惟李子

潛倡明絕學子潛亦雅重之有贈詩云孝行真堪師百世廉名

不愧著千秋人謂定評所著有三要續錄易學心功偶得記
郝增漢字公甫婁莊人家貧力作以養親性嗜學雖隴耕之暇口
不絕吟晚年師党冰壑純靜專篤不苟言笑尤精數學步算天
文析及毫秒著廣小兒語以訓世

張景哲字旣明澤掌莊人制行醇謹入庠後即謝舉子業惟嗜宋
五先生書時梁廣菴增訂朱子儀禮經傳通解知先生邃於儒
先註疏有疑難輒走仵函商書成先生餘有力焉歿後鄉人醵
金樹碑誌其學行

謝不振字光宗號蓮仙林南里南社人少聰慧博學好古尤嗜洛
閩微言偶有心得輒手錄之晝之所爲夜必記用自勸懲嘗拈

据代族子畢婚爲本支置義田儲辦公務晚年以恩貢司教平遙革除陋規錄居官三要以自警輯蘇湖教法以範多士訂稽德考學二簿以察優劣作孝弟忠信禮義廉恥詩及勉學吟鐫石垂訓言溫氣和輒能因人而導於善以故賢愚皆敬之歿後閻恒齋先生爲之立傳所著河汾淵源歷載理學正脈考訂精詳其餘著作甚富詳著述

姚吉士字德常龍泉莊人增生體父母愛讀書心克自攻苦師事李子潛先生篤志力行手抄諸儒先語錄沈潛玩索不少懈著洗心謹言治躁三銘以自省事親能得歡心雖家計窘迫親常以有子爲樂比歿殯葬不事浮屠不牽習俗終三年喪不飲酒

食肉友愛兩弟多方培養均克成立教人以小學近思錄童蒙
須知爲本當時以經師人師稱之平居布衣整潔端坐如塑雖
暗室亦無歌側態及歿閻子縝誄曰性甘寒潔希冰壑理析毫
芒步子潛人以爲知言云所著見著述

閻廷玠字子縝號恒齋閻家莊人家貧力學能文章嫻吟詠尤篤
嗜理學師事李子潛先生得黨冰壑手錄學薈通辨一書識力
大定完養愈醇雍正壬子鄉試策問朱陸異同先生條對詳明
遂登賢書官寧武教諭晚年致仕主講東雍其學與教一以考
亭主敬之說爲宗力敦實行而尤以衛道爲己任嘗刊布薛文
清公讀書錄李閻章儒教辨正錄以崇正學而黜異說相國陳

文勤公手書河汾正派扁贈之著有蓮峰詩文集

張書聖字睿公蘇村人生有異資從師受讀即能得古人意父病後齧以口吸之無難色時本郡閭子縝稷邑閭君含講明正學睿公一友之一師之躬行實踐不爲空談親歿秋霜春露慎重祭祀喜讀朱子資治通鑑綱目謂溫公德勝才勝等語當熟思錄栢廬家訓於屏示世世遵守易簣時遺命喪葬勿用樂尤以兄寬弟忍無聽婦言爲諄諄生平粗衣糲食而輸粟救荒者三其他興社學修道路繕橋梁種種義舉指不勝屈

王捷掄字聯陞陽王南頭人乾隆乙酉舉人性耿介不喜浮華歷任涿州遵化州州判樸素自持毫無苟取致仕歸清廉聲稱至